



UNIVERSITÄTS-
BIBLIOTHEK
PADERBORN

Universitätsbibliothek Paderborn

Manuale, seu Institutio Sacerdotum, Ex Divinis Litteris Et Veterum Patrum Disciplina

**Torres, Alfonso de
Ingolstadii, 1604**

III. De rebus Sacerdoti prohibitis in genere.

[urn:nbn:de:hbz:466:1-48973](https://nbn-resolving.org/urn:nbn:de:hbz:466:1-48973)

6.16.1.1. Reg.c.2. & 3.1.2. Reg.c.2. Isa.c.3. Ierem.c.2.8.
 Osee.4.5. Malach.1.2.1. Machab.7.9. Apoc.2. Alia de
 hac materia vide sup. p.2.c.7.§.1. de pradic. & doctri.

CAPVT III.
 DE REBVS SACER.
 DOTI PROHIBITIS
 IN GENERE.

SVMMARIVM.



SACERDOS debet veterem hominem exuere
 & induere nouum.1.

Et non vacare negotiis secularibus.2.3.

Quæ autem sint illa negotia.5.

Quædam sunt Sacerdotibus prohibita, quæ sunt Epi-
 scopis concessa.3.

Quædam illis, & Episcopis.4.5.

Quædam exercitia manualia Sacerdotibus interdicta.6
 Sacerdos inferior non benedicit, maiore Sacerdote non
 annuente.7.

Sacerdos cum secularibus non habitat sine licentia sui
 Episcopi 8.

Chorepiscopi qui sint.3.

Formata Epistola quid sit.3.

Pacifica. ibidem.

NVNC autem deponite & vos omnia: iram, in-
 dignationem, malitiam, blasphemiam, de
 ore vestro, expoliantes vos veterem hominem, &
 induentes nouum eum, qui renouatur in agni-
 tione

ione Dei secundum imaginem eius, qui creauit
rum. Coloss. 3.

Nemo militans Deo implicat se negotiis sæcu-
laribus, ut ei placeat, cui se probauit. 2. Tim. 2.

Quæ sint Presbyteris prohibita, & Epi-
scopis concessa.

QVAMVIS a Chorepiscopis, & Presbyteris plu-
rima cum Episcopis ministeriorum, commu-
nis sit dispensatio, quædam tamen auctoritate
reteris legis, quædam nouellis & Ecclesiasticis re-
gulis sibi prohibita nouerint: sicut est Presbytero-
rum, & Diaconorum, aut virginum consecratio,
sicut constitutio altaris, ac benedictio, vel unctio.
Siquidem nec erigere eis altaria, nec Ecclesias,
vel altaria consecrare licet, nec per impositionem
manuum fidelibus baptizatis, vel conuersis hæreti-
cis paraclytum Spiritum sanctum tradere, nec chris-
ma conficere, nec chrismate baptizatorum fron-
tes signare, nec publice quidem in Missa quæquam
penitentem reconciliare, nec b formatas quilibet
epistolas mittere. Hæc enim omnia illicita sunt
Chorepiscopis, qui ad exemplum, & formam se-
ptuaginta duorum discipulorum esse noscuntur,
vel Presbyteris, qui eandem gestant figuram. Quo-
niam, quanquam consecrationem habeant, Pon-
tificatus tamen apicem non habent, &c. c Sed neq;
coram Episcopo licere Presbyteris in baptisterium
introire, nec c præsentem Antistitem in fronte tingere,
aut signare, nec penitentem sine præceptione Epi-
scopi sui reconciliare, nec, eo præsentem, nisi illo iu-
bente,

bente,

bente, Sacramentum corporis, & sanguinis Christi conficere, nec, eo coram posito, populū docere, vel benedicere, aut salutare, nec plebem vtiq̃ exhortari. S. Leo epistola 88. ad Episcopos Gallie & Germanie, dist. 68. c. eod. S. Damasus epistola ad Numidia Episcopos c. 13. 26. q. 6. c. 1. cum quattuor seqq. S. Thom. 22. q. 184. art. 6. ad 1. Concil. Trident sess. 23. c. 4. Concil. Hispal. 2. c. 7.

a Chorepiscopi] Teste Isidoro de Officiis. l. 2. c. 6. fuerunt vicarij Episcoporum, instituti ad exemplum Septuaginta seniorum, ad sollicitudinem pauperum, vt colligitur ex Concil. Neocesar. can. 13. Hi munus Episcopi quadam tenus gerebant non in ciuitate, sed per vicōs, & pagos, vnde & rustici Episcopi dicebantur. Licebat illis ordinare Lectores, Exorcistas, ceterosque inferioris ordinis clericos, non Presbyteros, non Diaconos. Concil. Ancyranum can. 13. Antiochenum c. 8. & 10. Nicenū dist. 68. c. Ecclesiis. Sed quia hoc prætēxtu Episcopalem honorem insolenter sibi arrogare ceperunt, nec vlla satis bona ratio eorum institutionis appareret, id munus omnino sublatum est, & antiquatum. vt constat ex S. Damaso dist. 68. c. Chorepiscopi. Et facile mihi persuadere posset, Archipresbyteros in eorum locum successisse, vt videtur insinuare Gratianus eadem dist. 68. c. quamuis.

b Formata epistola] Erat Epistola dimissoria, siue commendatitia, per quam proprius Episcopus fidem faciebat aliarum ciuitatum Episcopis, aliquem ex suis clericis ad eorum parœcias commeantem dignum esse, vel vt ad sacros Ordines promoueretur, vel vt sub eorum

ditione

litione commoraretur. Hæc Epistola formabatur certa
 calculatione, & numero litterarum, vt in Conciliis Ni-
 cæno & Carthaginensi 5. sancitum est, vt per totam
 dist. 73. & Iuonem p. 6. c. 433. cum duobus seqq. Has
 epistolas videtur vocare Pacificas Concil. Chalcedon.
 can. 11.

c Sed neque] Hoc intelligendum videtur de eo ba-
 ptismo, qui certis anni diebus solemni cærimonia admi-
 nistrari consueuerat. Ita Catechismus Pij V. de Sacra-
 mento baptismi.

Pecularia quædam Sacerdotibus inter- dicta.

CLERICIS lege Patrum cauetur, vt, à vulgari
 vita seclufi, à mundi voluptatibus abstineant: non
 spectaculis, non pompis interfint: conuiuia inho-
 nesti, & turpia effugiant. S. Hieronymus ad Ne-
 potianum dicit: Omnium Christianorum domos
 quasi proprias amare debemus, vt consolatores
 nos in mæroribus suis potius, quam conuiuia in
 prosperis, nouerint. Et Isidorus de Officiis. l. 2. c. 1.
 Lege Patrum cauetur, vt clerici conuiuia publica
 fugiant; priuata non tantum pudica, sed & sobria
 colant. Vfuris nequaquam incumbant; nec tur-
 pium occupationes lucrorum, fraudisque alicui-
 us studiū non appetant. Amorem pecuniæ quasi
 matrem cunctorum criminum fugiant. Sæcularia
 officia, negotiaq; abijciant. Honorum gradus per
 ambitionem non subeant. Non vagis oculis, non
 infreni

infreni lingua, aut petulanti, tumidoque gestu incedant, sed pudorem, ac verecundiam mentis habitu, & incessu ostendant. Obscenitatem etiam verborum, sicut etiam corporum, penitus excrentur. Viduarum, ac virginum frequentissimas visitationes fugiant. Contubernia feminarum nullatenus appetant. Castimoniam quoque inuolati corporis perpetuo conseruare studeant. Senioribus quoque debitam præbeant obedientiam, neque vlllo iactantiæ studio se attollant. Postremo in doctrina, & lectionibus, Psalmis, hymnis, & canticis exercitio iugi incumbant. Tales enim debent esse, qui diuinis cultibus se mancipandos studeant exhibere, vt scilicet, dum scientiæ operam dant, doctrinæ gratiam populis administrent. *Concil. Moguntin. c. 10. de vita clericorum. Iuo p. 6. c. 3. vbi latius de hoc. S. Isidorus de Eccl. offic. l. 2. dist. 23. c. His igitur. concil. Aquisgran. c. 145.*

Sæcularia negotia quæ Sacerdotibus interdicta.

§ MVLTA sunt negotia sæcularia, de quibus pauca perstringemus, &c. Quidquid plus iusto appetit homo, turpe lucrum est, Munera iniusta accipere, vel etiam dare. Pro aliquo sæculari questu precio aliquem conducere. Contentiones, vel lites, vel rixas amare. In placitis sæcularibus disputare, excepta defensione orphanorum, & viduarum. Conductores sæcularium rerum, aut procuratores esse. Turpis verbi, vel facti esse iaculatorum,

tem, veliocom ſæcularem diligere. Aleas amare, Ornamentum inconueniens propoſito ſuo que-
rere. In deliciis viuere velle. Gulam, & ebrietatem
ſequi. Pondera inuſta, vel menſuras habere. Ne-
gotium iniuſtum exercere, &c. Canes, & aues ſe-
qui ad venandum: & omnibꝫ quibꝫlibet cauſis
ſuperfluis intereſſe. Ecce talia, & his ſimilia mini-
ſtris altaris Domini contradicimus. De quibus
ait Apoſtolus: Nemo militans Deo implicat ſe ne-
gotiis ſæcularibus. *Idem Concil. Mogunt. Ne cler. vel*
mon. c. 1. diſt. 86. c. peruenit. diſt. 88. c. decreuit. c. conſe-
quens.

2. Ti. 2.

Aliqua exercitia manualia Sacerdotibus interdicta.

Qui altario ſeruit, de altario viuat. Verum o- 6
mnino eſt: quia non licet Sacerdotibus manibus
operari, ligonizare, ferrum fabricare, & ſimilia,
propter reuerentiam, & tanti Sacramenti digni-
tatem. *S. Aug. ſerm. 37. ad fratres Eremi.*

Sacerdos inferior non benedicat, maio-
re Sacerdote non annuente.

ILLI qui ante vos fuerunt, prouidum in Eccle- 7
ſiæ conſuetudinem tradiderunt, hodieq; in Rom.
Eccleſia (quæ magiſtra eſt omnium Eccleſiarum)
imprætermiſſè ſeruatur; ita, vt nullus Sacerdos,
maiore ſuo non annuente conſacerdote, cuilibet
rei benedictionem dare nitatur. Sed & anterior,
ſtans ad pronuntiandū aliquam lectionem, bene-
dictionē quidem poſtulet, ſed ei quilibet inferior
non

non audet penitus benedicere, &c. *Nicolaus Papa*
dist. 21. c. denique.

Nullus clericorum sine permissione sui
Episcopi cum saecularibus habitare
praesumat. Quod si fecerit ab officij
communione pellatur.

8 *Concil. Aurelian, 2. c. 9.*



CAP.